

Toja

I.

L'aur' amara
fa·ls bruoills brancutz
clarzir
qe·l dous'espeis'ab fuoills,
el·s letz
becs
dels auzels ramencs
ten balps e mutz,
pars
e non pars;
per q'eu m'esfortz
de far e dir
plazers
a mains, per liei
que m'a virat bas d'aut,
don tem morir
si·ls afans no m'asoma.

II.

Tant fo clara
ma prima lutz
d'eslir
lieis don cre·l cors los huoills,
non pretz
necs
mans dos aguilencs;
d'autra s'es dutz
rars
mos preiars:
pero deportz
m'es ad auzir
volers,
bos motz ses grei
de liei, don tant m'azaut
q'al sieu servir
sui del pe tro c'al coma.

III.

Amors, gara,
sui ben vencutz,
c'auzir

tem far, si·m desacuòills,
tals d'etz
pecs
que t'es mieills qe·t trençs;
q' ieu soi fis drutz,
cars
e non vars,
ma·l cors fermes fortz
mi fai cobrir
mains vers;
c'ab tot lo nei
m'agr'ops us bais al chaut
cor refrezir,
que no·i val altra goma.

IV.
Si m'ampara
cill cui·m trahutz,
d'aizir,
si q'es de pretz capduòills,
dels qetz
prec
c'ai dedinz a rences,
l'er fors rendutz
clars
mos pensars:
q'eu fora mortz,
mas fa·m sofrir
l'espers
qe·ill prec qe·m brei,
c'aisso·m ten let e baut;
que d'als iauzir
no·m val iois una poma.

V.

Doussa car?, a
tutz aips volgutz,
sofrir
m?er per vos mainz orguoills,
car etz
decs
de totz mos fadencs,
don ai mains brutz
pars,
e gabars;
de vos no·m tortz
ni·m fai partir
avers,
c?anc non amei
ren tan ab meins d?ufaut,
anz vos desir
plus que Dieu cill de Doma.

VI.

Era·t para,
chans e condutz,
formir
al rei qui t?er escuoills;
car Pretz,
secs
sai, lai es doblencs,
e mantengutz
dars
e maniars:
de ioi la·t portz,
son anel mir,
si·l ders,
c?anc non estei
iorn d?Aragon q?el saut
no·i volgues ir,
mas sai m?an clamat: Roma!

VII.

Faitz es l?acortz,
q?el cor remir
tutz sers
lieis cui dompnei
ses parsonier, Arnaut,
q?en autr?albir
n?es fort m?entent?a soma.

- letto 561 volte

Source URL: <https://letteraturaeuropea.let.uniroma1.it/?q=laboratorio/toja-9>